

## Wárágã Páwũlõ 'bã sîlé Títõ nî rĩ

### *Wárágã Páwũlõ 'bã sîlé Títõ nî rĩ*

<sup>1</sup> Wárágã 'dĩ angá mádrĩ ma Páwũlõ 'i átí'bó Ædróná drĩ ãzila ùpígóná Yēsũ Kúrísitõ drĩ rĩ. Yēsũ pẽ áma tì ãřítáná patáná isújó rĩ agulé 'bá Ædróná 'bã ùpélé rĩ 'banî, sî kí imbájó ïjõ mgbã rĩ lũjõ ãzila ídri Ædróná 'bã lélé u'ájó ãlá rĩ i'dajó ĩ'banî. <sup>2</sup> ïjõ mgbã 'dĩ la fẽ ĩ'baní ásı 'bãlé ídri ukólépi ku, Ædróná 'bã ïjõ azilé ĩ'baní 'dĩ sî ú'bã drĩ ùnókú ku rĩ drĩ gá, Ædróná alı ala gá ĩnzõ ku. <sup>3</sup> I'da ïjõ mgbã ĩ'didrĩ 'dĩ sáwã múké rĩ agá, 'dĩ ãzítáná Ædróná ãma Palépi rĩ 'bã félé mádrĩ ùlũjõ la rĩ 'i.

<sup>4</sup> Ásı wárágã 'dĩ mâ ngõtĩ mgbã ãma sî adrujõ ãřítáná agá ãlu Títõ nî!

Lětáná uyanâ kóru ãzila ásı ĩgbẽ Ædróná ãmã Átépi rú ãzila Kúrísitõ Yēsũ 'Bá ãma Palépi rĩ.

### *Ázı Títõ 'bã ngalé Kũřetĩ gá rĩ*

<sup>5</sup> ïjõ mánı ími a'bejõ Kũřetĩ gá rĩ, mi rú sî ïjõ Kũřetĩ gá 'dãá itulé ãzila delé ku 'dãá rĩ kí itú, 'bá kãnısã 'bã drĩlé ru rĩ kí ùpějõ táwũnĩ ãlu-ãlu gã sî, cécé ándrá mâ mínı lülé rĩ áni. <sup>6</sup> 'Bá kãnısã 'bã drĩlé ru rĩ 'bã adru kí 'bá ãzi ïjõ ùnzı jojó kí ıřu'bánı gá ku la, ũkú trũ ãlu, ãzila anzı ĩ'didrĩ 'bã adru kí 'bá Ædróná ãřılépi la, drĩ-ũnzı

kóru āzila bīlẹ trū. <sup>7</sup> 'Bá kǎnǎsǎ 'bǎ drīlẹ ru āzī  
 Ādrónǎ drī fẹjọ ĩ'didrī, undrélẹpi la rī 'bǎ adru  
 ijọ ūnzī kóru. 'Bǎ adru 'bá āfó ru ku, ūmbā rú  
 ku, ĩmērálẹpi íwá sī ku, ásí ūnzíkǎnǎ ku, āzila  
 rọmgbọ ru séndẹ sī ku íni la. <sup>8</sup> Be la rá la, 'bǎ  
 adru 'bá āmú ā'ílẹpi múké íni la, 'bá ijọ múké  
 Ādrónǎ drī kí lẹlẹpi idélẹpi la, 'bá ásí ǐgbẹ vǎ ijọ  
 mgbǎ idélẹpi áyọ la, adrulẹpi ijọ ūnzī kóru, ru  
 tǎmbalẹpi ijọ pírí agǎ sī gẹrī pírí sī rī 'i. <sup>9</sup> Lẹ 'bǎ  
 ru ijọ ĩ'diní imbálẹ mgbǎ 'dī mgbemgbe, 'ba uja  
 ĩ'di ku, 'ba imbá sī 'bá kí ásí imbátánǎ kpì rī sī,  
 'ba i'da dó sī ijọ ūnzí 'bá āgátǎ galẹpi ijọ Ādrónǎ  
 drī sī 'dī 'badrī rī kí.

<sup>10</sup> Ájọ ijọ 'dī íni la ā'dusīku 'bá idemará ūnzí rī  
 kí wẹwẹ rú, 'bá ijọ sī 'bá ulẹjọ rī jolẹpi 'dī kí trū,  
 ambamba la 'bá ru ĩtārálẹpi rá lǎ'bī Yǎhúdī drī  
 trū 'dī kí. <sup>11</sup> Imbátánǎ ĩnzō rú rī sī, kí 'bá kí uja  
 sī ā'ítánǎ mgbǎ rī a'bejọ, imbá'bá 'dī 'bǎ áni rī  
 lẹ kí lú séndẹ ĩmidrī gǎ rī kí áyọ, lẹ ĩfẹ 'bǎ ĩyǎñǎ  
 kí tú. <sup>12</sup> 'Bá āzī ālu kí agǎ 'dǎá ĩ'bǎ kí ūrálẹ nábī  
 rú la jọ, “'Bá Kūrétī gǎ rī kí ụ'dụ pírí sī ĩnzó'bá,  
 ūmbā rú cécé ānǎkpá ásé agǎ rī kí áni, āzila kí  
 ūvú'bá, vǎ 'bá rọmgbọ ru la kī.” <sup>13</sup> Ijọ jolẹ 'dī ĩ'di  
 ijọ mgbǎ la, Títõ. Ijọ 'dī sī, mí uzá 'bá 'dī kí drī  
 gǎ ũkpó sī 'bǎ tu kí rú sī pá ā'ítánǎ agǎ ũkpó ru.  
<sup>14</sup> 'Bǎ 'bǎ kí rú sī ásí āwí 'bá Yǎhúdī rú 'dī 'bǎ kí  
 nzelẹ āzila āzítánǎ āfūlẹpi 'bá 'badrī sī ijọ mgbǎ  
 rī gǎjọ úmgbẹ 'dī kí drī gǎ ku.

<sup>15</sup> 'Bá ásí ālá rī ní ijọ múké rī ĩ'di ngǎ múké, wó  
 'bá ásí ūnzí rī ní ijọ ālá rī icó ā'ílẹ la ku, ā'dusīku  
 ásí ĩ'badrī kí ūrátánǎ ĩ'badrī abe kí ru iza rá.

16 'Bá 'dĩ kí ru 'bã nĩ kí ãDrónâ cé, wó ìjọ ì'bã kí idélé rĩ la i'da la nĩ kí ãDróná ku rĩ gá nĩ. Kí 'bá ngũ ùnzí, àzila are kí ìjọ ku, icó kí dó sị ìjọ múké la idélé ku.

## 2

### *Mí imbá ímbátáná mgbã rĩ*

<sup>1</sup> Wó Títõ mì rú rĩ gá, mí itú ú'áná ru icílèpi ímbátáná ã'ítáná drị i'dalépi rĩ áyọ. <sup>2</sup> Mí imbá ãgọbị mbalépi 'bo 'dĩ kí ru tãmbajó ìjọ pírí ùnzí rĩ kí sị, 'bá 'bã ìnzí kí ìnzí-ìnzí, 'bã adru kí ã'ítáná trũ ùkpó ru, lètáná trũ, àzila 'bá ìjọ talépi ásị ìgbé sị la kí.

<sup>3</sup> Mí imbá vâ ùkú mbalépi 'bo 'dĩ kí cécé 'dĩ 'bã áni, 'bã adru kí ãrútáná ru gbíyã ì'badrị agá, 'bã adru kí 'bá 'bá rụ jọlépi ùnzí ku, àzila 'bá ìmērālèpi íwá sị rĩ kí rú ku. Kẹjị la gá 'ba imbá kí 'bá ãzị rĩ kí ìjọ múké rĩ sị. <sup>4</sup> Ùkú mbalépi 'bo rĩ 'ba imbá kí ùkú ú'dí 'dĩ kí ì'bã ágó kí lějọ ì'bã anzíná kí abe, <sup>5</sup> 'bã mba kí ru tã lícọ ì'badrị abe ãlá ru, 'bã nga kí ãzị lícọ gá rĩ kí ùkpó sị, ásị la 'bã adru kí ìgbé ru, àzila 'bã ru kí vâ sị ì'bã ágó kí ìjọ ì'bã kí jolé rĩ kí abe cí. Ìjọ 'dĩ sị, 'bá ãzị 'bã u'dá dó sị ìjọ ãDróná drị kí ìjọ sị ku.

<sup>6</sup> Mí imbá ãgọbị ú'dí 'dĩ kí 'bã mba kí ru tã cénĩ. <sup>7</sup> Mí adru ì'baní ícétáná ru ìjọ pírí múké mì idélé rĩ kí sị. Ímbátáná mídrị rĩ 'bã adru ìnzõ kóru àzila ùkpó ru, <sup>8</sup> 'bá ãzị 'bã ide ìjọ mì jolé rĩ ku, 'bá ãgátã galépi mí be rĩ 'bã ìsù kí rú sị drinzá, ã'dusiku ì'baní ìjọ ùnzí icójó jọjó ãma ọrụ 'bá gá ku rĩ sị.

9 Mí imbá ãti'bo kí ãrútáná idéjò ãmbogo ì'badrî kí ọ̀rọ̀'bá gá ìjọ̀ pírí sī, ǎyĩkō fẹ̀jọ̀ ì'banî, ìjọ̀ ọ̀'dujọ̀ ãmbogo kí tị gá ku. 10 'Bā ẹ̀gũ kí ãmbogo ì'badrî 'bā ãko kí ku. Wó 'ba i'da kí ru 'bá mgbā múké la, ǎzila 'bá ásì tịjọ̀ kí drị gá rá la rú, 'dĩ la dó sī ìmbátáná múké ǎdróná ãma Palépi rī drị gá rī fẹ̀ adrulé ǎjị trū 'bá pírí 'banî.

11 Ásí ịgbẹ̀ ǎdróná drị lětáná ì'di 'bā lẹ̀jọ̀ 'bá pajó rī, i'da dó ru 'bá pírí ní 'bo. 12 Ì'di ãma imbá ìjọ̀ ụ̀nzí ụ̀nókú drị kí gǎjọ̀ ụ̀lẹ̀ ì'didrị abe úmgbé, ãma sī ãma tãmba pá tujọ̀ ụ̀kpó ru ìjọ̀ kpì sī ìjọ̀ ụ̀nókú ú'di'da 'dĩ drị kí agá, 13 ǎmaní drī drīlẹ̀ba ásì 'bǎjọ̀ drī la gá rī tẹ̀ agá 'dĩ ọ̀'dụ̀ ìjọ̀ dīzā, rú drúzì ǎdróná ǎmadrì ǎmbōgō Yẹ̀sũ Kúrísitō 'Bá 'bá Palépi rī, 'bā ru i'dajọ̀ rī sī. 14 Fẹ̀ ru ãma unzejọ̀ ìjọ̀ ụ̀nzí pírí agá, ãma ụ̀jịjọ̀ ǎlá ru, ãma 'bǎjọ̀ ì'di 'bā 'bá ru ǎmaní sī ãma 'bǎjọ̀ ìjọ̀ kpì idéjọ̀. 15 Lẹ̀ mí imbá 'bá kí ásì ìjọ̀ 'dĩ kí idéjọ̀, kí itújọ̀ ìjọ̀ ítúná lẹ̀lẹ̀pi rī sī ǎzítáná 'bā lẹ̀lé rī áni. 'Bá ǎzì 'bā avá rú sī ụ̀kpō mídrì rī sī ku.

### 3

#### *ǎdrízā múké rī*

1 Títõ, mí igá 'bá mídrì 'dĩ kí ãrútáná idéjọ̀ 'bá kí drīlẹ̀ gá rī kí ọ̀rọ̀'bá gá, ǎzítáná ì'badrì kí ị̀nzìjọ̀ sī adrujọ̀ bábá sī ìjọ̀ múké rī idéjọ̀. 2 Ílũ ì'baní 'bā jọ̀ kí ìjọ̀ ụ̀nzí 'bá ǎzì ọ̀rọ̀'bá gá ku, 'bā ǎwā kí 'bá kí abe ku, 'bā ndre kí 'bá 'bā ízákìzā ǎzila 'bā ru kí 'bá kí ìjọ̀ jā sī.

3 ǎma ándrá aza sī ìjọ̀ ụ̀nzí kí idé agá drī ụ̀nzí sī, ãma acá dó ǎtì'bó ru ụ̀lẹ̀ ìjọ̀ ụ̀nzì idéjọ̀ rī áni.

Ãri sáwã izalé ídri ãmadrî agá 'bá kí ngũjõ ãzila 'bá kí ndrejó miḻi ũnzí sî. Íjõ 'dî sî, 'bã ázî rî ngũ kí ãma ũnzí ãngũ vâ kí ũnzí. <sup>4</sup> Wó ásî ìgbê ãzila lêtáná Ædróná ãma Palépi rî drî rî la mu ru i'dalé 'bo, <sup>5</sup> pa ãma rá, adru ãmaní íjõ múké idélé rî sî ku, wó ásî ìgbê ì'didrî gá rî sî. Ûjî íjõ ũnzí ãmadrî kí ãzila fê ãmaní ídri ú'dí Úrindí Álá rî sî. <sup>6</sup> Ædróná ũsũ Úrindí Álá 'dî ãma drî gá Yésũ Kúrísitõ 'Bá ãma Palépi rî sî. <sup>7</sup> Íjõ 'dî sî, 'bã dó ãma ãlá ru ásî ìgbê ì'didrî ãmbógó rî sî, ã'bã ásî ãma dó mu ídri ukólépi ku rî nalé ì'di trũ ãlu. <sup>8</sup> Íjõ mã jolé míní 'dî kí íjõ mgbã la, álê íjõ íjõ 'dî kí ùkpó ru, 'bá ásî 'bãlépi íjõ Ædróná drî drî gá rî 'bã adru kí miḻi trũ, sî ru ásî 'bãjõ píri íjõ múké rî kí idéjõ. Íjõ 'dî kí múké ãzila ùrõdrî ru 'bá píri 'banî.

<sup>9</sup> Ífi ágátã galé, ãzila ãwí ífi kóru á'bî ùlájõ, jõku ãwãñá ãzila ãcóná cojõ, ãzítáná 'bá Yãhúdî rú 'dî 'badrî kí agá ku. Íjõ 'dî 'bã áni 'dî kí ãzî kóru ãzila kí sáwã iza. <sup>10</sup> 'Bá 'bá kí awalépi rî ìli bílê ìndú la pâlé ìrî, 'dã 'bã ùngúkú gá drî gã úmgbé, mí a'be ì'di cã. <sup>11</sup> Lẽ ínî cé 'bá 'dî 'bã áni rî iza kí ru íjõ ũnzí sî rá, ũnzîkãñã ì'badrî gá rî la íjõ lì kí drî gá nî.

### *Páwũlõ azi Títõ ní ãsijõ*

<sup>12</sup> Má itú ma Átémã 'i jõku Tũkíkõ tî pélé mí rûlé, kí ázî drî acá mí rú 'dã 'bo, mí ù'bî ásî píri sî calé má rú táwũñî Nîkõpólî gálê gbõñáñá ru, ã'dusîku ápê ãngũ ìgbé rî tējõ 'dãã. <sup>13</sup> Mí ù'bî Zénã jájî rú rî kí ãzã kolé Æpólõ be ãko píri sî ãcî ì'badrî agá 'bã ìcê kí ãko ázî ì'ba kí lélé la sî

ku. <sup>14</sup> 'Bá ãmadrî 'bã ũnî kí ru fējó pírí ïjó múké idéjó, sī ãko fējó ïjó lélé idélé ú'dú pírí rī kí ãzã kojó, 'bã adru kí ũvũ rú ku.

<sup>15</sup> 'Bá pírí má rú 'dólé rī zî kí ïmi pírí cící ãzıla 'bá ãma lélépi ã'ítáná 'dĩ agá 'dĩ kí ïzî kí cící.

Lětáná uyanâ kóru ãdróná drî 'bã adru ïmi abe pírí.

## **Ījò Ú'dí rĩ**

### **The Holy Bible in the Aringa language of Uganda**

copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

---

PDF generated using Haiola and XeLaTeX on 13 Jul 2024 from source files  
dated 29 Jan 2022

695104cf-f1e1-5cdd-8e7e-1df2480da505